

# ISTANBUL

## 3 NOĆENJA SA DORUČKOM

### TURKISH AIRLINES

30.04. - 03.05.2026.

#### 1. Dan (Četvrtak – 30.04.2026.) - SARAJEVO – ISTANBUL/ OBILAZAK GRADA+KAPALI ČARŠIJA

Sastanak putnika na aerodromu u 08:00 h (dva sata prije leta) . Nakon što obavimo proces prijavljivanja na let i predaju prtljaga, letom TK1022 u 08:55 h polazimo za Istanbul. Po slijetanju na novi aerodrom u Istanbulu, slijedi organizovan transfer do hotela i smještanje grupe. Slijedi obilazak starog dijela grada u pratnji lokalnog certificiranog vodiča. Upoznavanje sa najstarijim dijelom Istanbula, mjesto gdje je kralj Vizas sa svojom vojskom osnovao grad Vizantion 657.godine p.n.e. Slijedi razgledanje najvažnijih znamenitosti: **Kapali čaršija**, **Čemberlitaš trg** koji je nekad bio ukrašen Konstantinovim spomenikom, turbe sultana Mahmuta II, **Sultanahmet trg**, nekadašnji **Hipodrom** gdje su se održavale utrke dvokolica, **obelisk Konstantina Porfirogenita**, **Zmijski stub** i **Teodosijev obelisk**, **Plava džamija**, **Rokselanin hamam** i za kraj ovog izleta smo ostavili **Aja Sofiju**, monumentalnu građevinu koju je izgradio car Justinijan i koja svakog posjetioca ostavi bez daha (**bez ulaznice** koja se naplaćuje dodatno od 15.januara 2025.godine).

Slobodno vrijeme za šetnju i individualne aktivnosti. Noćenje.



#### 2. Dan (Petak - 01.05.2026.) - KRSTARENJE BOSFOROM / PIERRE LOTTI + EYUP ČETVRT + BALAT + MISIR ČARŠIJA + EMINONU / TURSKO VEČE

Doručak. Nakon doručka idemo gradskim prijevozom prema luci Kabataš odakle ćemo krenuti na fakultativno **krstarenje Bosforom**. Jedan od najljepših načina za upoznavanje grada na dva kontinenta je upravo plovidba Bosforom. Saznajte kako je Zlatni rog dobio svoje ime, kako su gradili aristokratske jalijske, kako je Mehmed II Osvajač nadmudrio svoje protivnike i izgradio Rumeli Hisar tvrđavu, poslušajte legendu kako je sultanova kćerka izgubila život i po kojoj je Djevojačka kula dobila ime, slikajte raskošne kvartove Beşiktaş, Arnavutkoy i jos mnogo toga.

Nakon krstarenja nastavljamo sa drugim **fakultativnim izletom Pierre Loti+Balat+Sulejmanija+Misir**



**čaršija+Eminonu.** Tramvajem odlazimo do čuvenog vidikovca **Pierre Loti**. To je destinacija koju morate posjetiti u ovom multimilionskom gradu. Pierre Loti je bio poznati francuski putopisac koji je obožavao Istanbul i koji se divio inspirativnom pogledu na ovom uzvišenju. Kafić u kojem je volio provoditi vrijeme će kasnije dobiti ime upravo po njemu. Danas atrakcija za turiste, lokal se ponosi crveno-bijelim stolnjacima i nestvarnim pogledom na Zlatni rog.

Posjeta četvrti Eyup gdje se nalazi džamija Eyup Sultan, jedna od najistaknutijih i historijski najvažnijih u ovom gradu, mjesto hodočašća za muslimane iz cijelog svijeta. Džamija nosi ime po **Ebu Ejjub el-Ensariju**, jednom od pratilaca **Poslanika Muhammed**, koji je umro tokom opsade Carigrada 674. godine nove ere. Prema islamskoj tradiciji, grobnica **Ebu Ejjub el-Ensarija** je otkrivena za vrijeme vladavine **sultana Mehmed II**, koji je osvojio **Konstantinopolj** u 1453. Sultan je naredio da se na tom mjestu sagradi džamija.

Nakon toga tramvajem odlazimo do jednog od najpopularnijih dijelova grada Istanbula, a to je čuveni **Balat**. Balat je jedna od najstarijih četvrti u Istanbul sa drvenim kućama koje su stare preko 200 godina. Očekuje vas prijateljska atmosfera od strane lokalnih porodica, suživot židova, kršćana i muslimana. Balat ima sinagoge, crkve i džamije na jednom mjestu, nešto što ne vidite stalno. Zaboravit ćete da ste u Turskoj čim stignete do Balata...Slobodno vrijeme za uživanje i kupovinu suvenira.

Nastavljamo do **Egipatskog bazara** (Misir čaršije). Hiljade različitih začina, sušeno voće, sirevi, rahat lokumi, baklave, orašasti plodovi, stotinu vrsta čajeva i još mnogo drugih vrsta jestivih proizvoda iz cijelog svijeta nas očekuju na policama prodavnica u Misir čaršiji. Slobodno vrijeme u **četvrti Eminonu** do polaska prema hotelu. Povratak u hotel gradskim prijevozom.

U večernjim satima slijedi organizovani fakultativni odlazak u luku Kabataš gdje nas očekuje nezaboravni **program „Tursko veče“** na jednom od brodova. Dok plovite bajkovitim Bosforom, uživajte u višesatnom programu uz trbušni ples, folklor i tradicionalnu muziku. U cijenu programa je uključena večera kao i piće (alkoholno i bezalkoholno). Povratak u hotel. Noćenje.

### **3. Dan (Subota - 02.05.2026.) - DOLMABAHCE / ORTAKOY + AZIJA**

Doručak. Polazak unajmljenim autobusom na fakultativni izlet Dolmabahce, posjeta rezidenciji sultana od 1856.godine pa sve do 1924.godine kada je ukinut taj sistem vladavine. Da bi shvatili raskošnost ove građevine, dovoljan je podatak koji kaže da je izgradnja u to vrijeme koštala 5 miliona otomanskih lira što je ekvivalentno za današnjih 1,9 milijardi dolara. Obilazak obuhvata ulazak sa lokalnim vodičem u rezidenciju i glamurozne prostorije napravljene u rokoko, baroknom i neoklasicističkom stilu. Slobodno vrijeme za uživanje u dvorištu kompleksa kao i slikanje pred čuvenom Bosforskom kapijom.

Ostatak dana je planiran za fakultativni izlet koji smo nazvali **„Ortakoy i Azija“**. Autobusom odlazimo do lokacije koja se nalazi na svakoj razglednici Istanbula, a to je fascinantni Ortakoy. Prilika da probate specijalitet „kumpir“, popijete kafu ili čaj u baštama sa pogledom na Bosforski most i **Ortakoy džamiju**. Nakon slobodnog vremena, nastavljamo izlet prelazeći Bosforski most i dolazimo do azijskog kontinenta.

Druga lokacija koju posjećujemo na ovom izletu je **Çamlica džamija**, najveća džamija u Turskoj. Završena je 2019. godine, koštala je nevjerovatnih 110 miliona dolara i njena arhitektura je inspirisana radom najvećeg osmanskog arhitekta, Mimar Sinana.

Posjetićemo i čuveni **vidikovac/park Çamlica** sa kojeg se pruža nezaboravan pogled na Mramorno more, Topkapi palatu i Aja Sofiju.

Zadnja tačka našeg razgledanja je **Djevojačka kula** koja krije interesantnu legendu o misterioznoj smrti sultanove kćerke i poruku da se od sudbine ne može pobjeći. Slikanje i slobodno vrijeme na **trgu Uskudar**, srcu azijskog dijela Istanbula. Povratak u hotel. Noćenje.



#### 4. Dan (Nedjelja - 03.05.2026.) – CHECK OUT - SARAJEVO

Doručak. Rani doručak. Check out iz hotela. Polazak prema aerodromu sa recepcije hotela u 08:45 h. Let TK1023 na relaciji Istanbul – Sarajevo u 12:45 h sa dolaskom u Sarajevo u 13:35 h po našem vremenu.

HOTEL	CIJENA ARANŽMANA		
	HOTEL GRAND DURMAZ 4*	<b>RANI BOOKING</b> * isključivo za prvih 5 rezervacija	<b>FIRST MINUTE CIJENA</b> * za narednih 10 uplata
<b>769,00 KM</b>		<b>799,00 KM</b>	<b>829,00 KM</b>

#### U cijenu je uključeno:

- ✓ Avionska karta sa kompanijom **TURKISH AIRLINES** na relaciji Sarajevo – Istanbul – Sarajevo (23 kg prtljag + 8 kg ručni prtljag)
- ✓ **Aerodromske takse**
- ✓ **Transfer** autobusom aerodrom-hotel-aerodrom
- ✓ **3 noćenja sa doručkom** u dvokrevetnoj ili trokrevetnoj sobi u hotelu **Grand Durmaz 4\***
- ✓ Usluge iskusnog **pratioca grupe/vodiča** tokom putovanja
- ✓ **Boravišne takse** u hotelu

#### U cijenu nije uključeno:

- Putničko osiguranje – 10,00 KM (2,00 KM po danu ili 4 KM po danu za osobe starije od 60 godina)
- Doplata za jednokrevetnu sobu 220,00 KM,
- Fakultativni (neobavezni) izleti

#### Fakultativni izleti u paketu

- **OBILAZAK STAROG GRADA** - (usluge licenciranog lokalnog vodiča) – 20,00 EUR
- **KRSTARENJE BOSFOROM** - (karte za javni prijevoz, usluge licenciranog lokalnog vodiča i najam privatnog broda) – 25,00 EUR
- **PIERRE LOTI, BALAT, SULEJMANIJA, EMINONU** – (karte za javni prijevoz na svim navedenim relacijama i usluge licenciranog lokalnog vodiča) – 20,00 EUR
- **ORTAKOY I AZIJA** – (usluge licenciranog vodiča i cjelodnevni najam privatnog autobusa) – 35,00 EUR
- **DOLMABAHCÉ** - (slušalice, ulaznica i usluge lokalnog vodiča sa licencom) – 60,00 EUR
- **TURSKO VEČE** – (privatni prijevoz od hotela do broda i nazad, show program na brodu uz večeru i piće) – 50,00 EUR

\***Važna napomena za izlet „Tursko veče“** : od 2025.godine na snazi je kolektivna odluka brodskih kompanija da cijena uključuje neograničeno konzumiranje bezalkoholnih pića dok su u cijenu uključena samo 2 alkoholna pića. Dodatna kupovina je moguća na licu mjesta tj. na brodu.



## **VAŽNA NAPOMENA**

**U posljednje vrijeme je došlo do značajnog porasta cijena muzeja, najma prijevoznih sredstava (autobusi i brodovi) i usluga lokalnih vodiča u Istanbulu. Razlog je trenutno stanje sa inflacijom na globalnom nivou. Agencija Gaudi Travel će poduzeti sve mjere da ne dođe do povećanja objavljenih cijena izleta, ali zadržava pravo na korekciju srazmjerno promjenama na tržištu i povećanju cijena od strane naših turskih partnera.**

### **DRUGE NAPOMENE:**

- Preporučujemo uplatiti putničko-zdravstveno osiguranje za vrijeme puta i boravka u inostranstvu.
- Za ovo putovanje potrebno je posjedovati BH pasoš sa validnošću od minimum 5 mjeseca od datuma planiranog povratka sa putovanja. Putnici sa stranim pasošima dužni su se sami informisati o uslovima putovanja.
- Organizator putovanja uslijed nepredviđenih okolnosti može promijeniti redoslijed planiranih obilazaka.
- Za sve aranžmane važe „Opšti uslovi putovanja“ PUTNIČKE AGENCIJE GAUDI TRAVEL a koji su usklađeni sa UTABIH standardima.

